



SUATEA



COMUNICÁU PRENSA: EDUCACIÓN

Conocida la sentencia del Tribunal Superior de Xusticia d'Asturies onde se considera contrario a derechu l'establecimientu d'un númberu mínimu d'estudiantes pa formar grupu na asignatura de Llingua Asturiana na Educación Secundaria al declarar «nulu y ensin efectu» l'artículu 5.1 de la resolución de la Conseyería d'Educación y Ciencia de 18 mayu de 2008 pol que s'afita la ufierta y les condiciones pa la elección de materies optatives y materies opcionales pa la ESO no que cinca a La Llingua Asturiana, por vulnerar l'artículu 10 de la Llei 1/98 de 23 de Marzu, d'Usu y Promoción del Bable/Asturianu (*“Nel exerciciu de les sos competencies, el Principáu d'Asturies va garantizar la enseñanza del bable/asturiano en tolos niveles y graos, respetando sicasí, la voluntariedá del so deprendizaxe”*); SUATEA desixe a Conseyería Educación y Ciencia:

- La inmediata aplicación de la sentencia y poro, que l'alumnáu de Secundaria y Bachilleratu qu'a primeros d'esti cursu solicitó recibir clases de Llingua y nun s'atendió la so pitición esviándolo a grupos d'otres optatives, seya atendió acordies cola so elección voluntaria orixinal de Llingua Asturiana o Gallego-Asturiano.
- La inmediata eliminación del númberu mínimu de 10 persones (mínimu recoyíu nes instrucciones d'aniciu cursu) pa poder recibir clases de Llingua-Asturiana y Gallego-Asturiano na Educación Primaria y l'atención nesta área de tol alumnáu que lo solicitare.
- L'atención inmediata de tol alumnáu d'Educación Infantil que venía recibiendo clases de Llingua o Gallego-Asturiano y esti añu se ta denegando'l so derechu a recibibles (Escuela Vil.lapendi en Mieres, CRA. Caborana n'Ayer, C. P. Honesto Batalón en Xixón...)
- La obligatoriedá de la ufierta voluntaria de conteníos de Llingua y Galllego-Asturiano en tolos centros d'Educación Infantil.

N'Uviéu a 19 d'ochobre de 2010

SINDICATU UNITARIU Y AUTÓNOMU DE TRABAYADORES DE LA ENSEÑANZA D'ASTURIES